



Federación
Galega de
Atletismo

Departamento Municipal de Deportes de Santiago



CORRE



Benvidos/as á “X edición do circuío de Carreiras Saudables CorreSAN 2024, un programa de carreiras organizadas pola Federación Galega de Atletismo e patrocinadas polo Concello de Santiago de Compostela a través do seu departamento municipal de deportes. Este circuío entra dentro do labor de concienciación sobre os beneficios que a actividade física regular provoca na mellora da calidade de vida da nosa cidadanía.

O circuío CorreSan representa unha iniciativa para Compostela que traslada o deporte ata os barrios e zonas onde normalmente xa se practican diferentes deportes, en especial o atletismo ou popularmente coñecido “running”.

O circuío estará aberto á participación de calquera deportista habitual ou eventual que desexe acceder á práctica libre do exercicio físico nos diferentes contornos da cidade. Nas probas terán cabida atletas de case todas as idades, de sub 10 a máster, con distancias adaptadas a cada categoría que participen nas carreiras das que consta este circuío, o que integrará un aliciente de motivación como é a competición.

A participación poderá ser individual ou formando parte de equipos, tanto federados como populares. As categorías escolares poderán a maiores formar grupos por centros escolares.

A continuación exporemos o regulamento xeral do circuío, pero antes de rematar gustaríame animarvos a que tomedes parte deste proxecto que continua adiante por décima vez, desta volta incluíndo unha nova carreira para facelo chegar ao barrio de Conxo, polo noso interese por promover a práctica libre do deporte no concello de Compostela.

**A Concelleira
Pilar Lueiro García**

REGULAMENTO XERAL

A décima edición do circuito de carreiras saudables de Santiago **CorreSAN 2024** constará de 5 probas que se disputarán entre os meses de maio e outubro de 2024, tendo no mes de decembro a carreira San Silvestre que, aínda que non forme parte deste circuito, da continuidade a práctica deportiva durante o 2024.

En cada proba haberá un percorrido para escolares das categorías Sub 10 e sub 12, un percorrido para as categorías sub 14 e sub 16, e outro para adultos a partir da categoría sub 18. As probas comezarán de xeito habitual polas probas de escolares e rematarán coa disputa da proba de adultos. Os horarios e circuitos das carreiras estarán expostos na páxina web www.carreirasgalegas.com e estarán baixo o control técnico do Comité Galego de Xuíces da Federación Galega de Atletismo, empregando o sistema de chip-dorsal que **deberá conservarse durante o transcurso do circuito para os atletas que se inscriban nas 5 probas na modalidade de circuito**, e poderá desbotarse no caso de atletas que só se inscriban a unha proba independente.

Todos os atletas inscritos no circuito que perdan este elemento deberán aboar a cantidade de 3 € para adquirir un novo dorsal - chip.

CATEGORIAS DE PARTICIPACION INDIVIDUAIS

As categorías* de participación individuais serán as seguintes:

SUB 10	Nadas/os en 2015 e 2016
SUB 12	Nadas/os en 2013 e 2014
SUB 14	Nadas/os en 2011 e 2012
SUB 16	Nadas/os en 2009 e 2010
SUB 18	Nadas/os en 2007 e 2008
SUB 20	Nadas/os en 2005 e 2006
SUB 23	Nadas/os en 2002, 2003 e 2004
SENIOR	De 2001 ata máster
MASTER 1	De 35 a 44 anos
MASTER 2	De 45 a 54 anos
MASTER 3	De 55 anos en diante

E= Escolares:(sub 10, sub 12, sub 14 e sub 16)

A= Adultos (dende sub 18 a máster)

MODALIDADE DE PARTICIPACION POR EQUIPOS

As categorías de participación por equipos serán as seguintes (**non se poderá duplicar a participación nun clube federado e equipo popular ou nun centro escolar e clube federado**). Tampouco un mesmo equipo poderá ter dúas ou máis seccións (A, B, ...):

CLUBES FEDERADOS ADULTOS	Atletas con licenza federativa
EQUIPOS POPULARES ADULTOS	Corredores con ou sen licenza federativa
CENTROS ESCOLARES	Corredores pertencentes a centros escolares
CLUBES ESCOLARES	Corredores Escolares pertencentes a clubes federados

CLASIFICACIÓNS

En cada proba establecerase unha clasificación individual por orde de chegada. Os participantes no circuíto levarán un número de puntos igual ao posto obtido en cada carreira **SÓ TENDO EN CONTA OS PARTICIPANTES NA MODALIDADE DE CIRCUITO**, de xeito que o primeiro clasificado obterá 1 punto, o segundo clasificado 2 puntos e así sucesivamente ... **OS ATLETAS QUE NON PARTICIPEN NALGUNHA PROBA DARÁSELLE UN NÚMERO DE PUNTOS SIMILAR AO NÚMERO TOTAL DE PARTICIPANTES NA MODALIDADE DE CIRCUITO NA MESMA, DE XEITO QUE NON OBTENAN VANTAXE ALGUNHA DA NON PARTICIPACIÓN. Para tomar parte nas clasificacións finais de circuíto, os participantes deberán completar un mínimo de 4 das 5 probas do circuíto.**

Tamén se poderá participar inscribíndose soamente a calquera das catro probas do circuíto sen participar como "inscrito NO circuíto" nin na súa clasificación.

Haberá unha clasificación de cada carreira e unha xeral do circuíto en cada categoría, que será modificada despois de cada carreira. A clasificación do circuíto realizarase en orde inverso, segundo se teña un menor número de puntos.

NA CLASIFICACIÓN FINAL INDIVIDUAL DO CIRCUÍTO ELIMINARASE O PEOR RESULTADO OBTIDO NAS 5 PROBAS DO MESMO.

PARA A CLASIFICACIÓN FINAL DE CLUBES E EQUIPOS POPULARES APLICARASE A SUMA DOS 6 MELLORES RESULTADOS DOS 6 MELLORES ATLETAS QUE OS COMPOÑAN. OS EQUIPOS ESTARÁN FORMADOS POR UN NÚMERO MÍNIMO DE 6 COMPOÑENTES, SEN DETERMINAR UN NÚMERO MÁXIMO.

Tamén estableceranse dous tipos de clasificacións:

- Clubes federados adultos, sumando os puntos obtidos polos 6 mellores compoñentes do club que deberán estar inscritos todos na modalidade de circuíto e completar 4 das 5 probas (imprescindible realizar a inscrición **reflexando o mesmo nome de equipo** no formulario habilitado).
- Equipos populares, nos cales poderán entrar atletas federados e non federados formando equipos cunha denominación "popular". Imprescindible realizar a inscrición **reflexando o mesmo nome de equipo** no formulario habilitado. Sumaranse os puntos obtidos polos 6 mellores compoñentes do equipo que deberán estar inscritos todos na modalidade de circuíto e completar 4 das 5 probas (imprescindible realizar a inscrición **reflexando o mesmo nome de equipo** no formulario habilitado).
- Centros escolares. Formando parte de centros escolares. As clasificacións dos clubs federados escolares e centros escolares realizarase unicamente por **criterios de volume de participación**.

Os equipos poderán ser masculinos ou femininos. Non se admitirán equipos mixtos nestas clasificacións.

CALENDARIO DE PROBAS E CIRCUÍTOS

As probas celebraranse nas datas que se expoñen a continuación. Os circuítos serán expostos nos días previos á celebración da carreira nas páxinas web, www.carreirasgalegas.com e www.atletismo.gal.

DATA	PROBA	DISTANCIAS APROX.
11 de maio de 2024	CORRESAN RUTA DA PRATA-ANGROIS	1205 m (E1) 2310 m (E2) 5210 m (A)
1 de xuño de 2024	CORRESAN BARRIO DE CONXO	1000 m (E1) 2000 m (E2) 5000 m (A)
6 de xullo de 2024	CORRESAN NOCTURNA CIDADE VELLA	1010 m (E1) 1750 m (E2) 5500 m (A)
15 de setembro de 2024	CORRESAN RUTA DOS PARQUES	1645 m (E1) 2520 m (E2) 5700 m (A)
13 de outubro de 2024	CORRESAN BARRIO DE SAN PEDRO	1000 m (E1) 2000 m (E2) 5000 m (A)

E1= ESCOLARES Sub 10 – Sub 12

E2= ESCOLARES Sub 14 – Sub 16

A= ADULTOS

INSCRICIÓNS

INSCRICIÓN INDIVIDUAL: A inscrición nas 5 probas do circuío (**opción recomendable**), tanto para escolares como para adultos, poderán realizala a través da seguinte vía:

- ONLINE:

A través da páxina web www.carreirasgalegas.com.

INSCRICIÓN POR CLUBES FEDERADOS, EQUIPOS POPULARES E CENTROS ESCOLARES

Todos os **clubes federados**, tanto de adultos (de sub 18 en adiante) como de **atletas escolares**, **equipos populares de adultos** e **centros escolares** (categorías sub 10, sub 12, sub 14 e sub 16) que desexen entrar nos premios outorgados a eles deberán remitir un correo electrónico á dirección info@carreirasgalegas.com indicando a súa intención de tomar parte nestas clasificacións e achegando a listaxe dos atletas que comporarán o clube federado, equipo popular ou centro escolar. Ditos atletas deberán estar inscritos individualmente e de xeito previo o inicio das probas indicando claramente o nome do clube, equipo popular ou centro escolar. É moi importante que os atletas poñan correctamente escrito do mesmo xeito o nome do clube, equipo ou centro escolar.

PREZOS DA INSCRICIÓN

- **ESCOLARES** (de sub 10 a sub 16) GRATUITA
- **ADULTOS** (de sub 18 a máster):
 - Xeral nas 5 probas do circuío 20 €
 - Inscrición individual por proba 6 €

Os participantes adultos e escolares NA MODALIDADE DE CIRCUÍTO, recibirán unha camiseta técnica conmemorativa da décima edición do circuío e un dorsal-chip coa que poderán participar nas 5 probas e que poderán recoller no lugar indicado na páxina web www.carreirasgalegas.com previamente a disputa da primeira ou segunda proba. Os atletas que se inscriban individualmente en cada proba **NON PERCIBIRÁN CAMISETA POLA SUA PARTICIPACIÓN.**

O dorsal empregárase para as 5 probas e deberá conservarse axeitadamente en todas as probas do circuío.

Os participantes de cada proba individual que non se inscriban no circuío só recollerán o dorsal na zona de saída de cada proba, agás na 1ª que se recollerá no mesmo lugar que os participantes no circuío.

CALENDARIO DE INSCRICIÓNS

A inscrición xeral no circuío CorreSan (5 probas) abrirá o venres 22 de marzo ás 11:00 horas e pechará o mércores 8 de maio ás 23.59 horas. Abrirase un 2º prazo antes da carreira CorreSan Barrio de Conxo.

A inscrición individual en cada proba do circuío terá o seguinte calendario de inscricións:

PROBA	PAZOS DE INSCRICIÓN
CorreSan - Ruta da Prata-Angrois	Do 22/03/2024 ao 08/05/2024
CorreSan – Barrio de Conxo	Do 15/05/2024 ao 29/05/2024
CorreSan - Nocturna Cidade Vella	Do 05/06/2024 ao 03/07/2024
CorreSan - Ruta dos Parques	Do 10/07/2024 ao 12/09/2024
CorreSan - Barrio de San Pedro	Do 18/09/2024 ao 10/10/2024

PREMIOS

Os premios ó circuío serán entregados nas semanas posteriores á conclusión da derradeira proba nunha gala xeral do circuío 2024.

Outorgarase premio aos 3 primeiros clasificados de cada categoría establecida no presente regulamento.

Tamén entregaranse premios especiais aos 3 primeiros clasificados das clasificacións xerais de escolares e de adultos.

Os 3 centros escolares e clubs federados que acheguen máis participantes á categoría de escolares percibirán premio especial.

Os 3 clubs federados **MASCULINOS** e **FEMENINOS** e os 3 equipos populares **MASCULINOS** e **FEMENINOS** que obteñan menos puntos na clasificación das probas do circuío (sumando os puntos dos seus 6 mellores compoñentes).

Para poder tomar parte nestas clasificación é imprescindible inscribirse indicando o nome do clube ou equipo ou centro escolar (escrito do mesmo xeito) no formulario e remitir ao correo info@carreirasgalegas.com o listado cos compoñentes dos mesmos.

Toda a información relativa a circuíos, lugares de recollida de dorsais,... poderá consultarse nas páxinas web www.carreirasgalegas.com e atletismo.gal

Todo o non recollido no presente regulamento rexerese pola normativa de probas en ruta da **FGA** e da **RFEA** en vigor, por esta orde.

RESPONSABILIDADE

A organización non se fará responsable dos danos que puidesen causar ou causarse os participantes por imprudencias ou negligencias destes. Igualmente, o participante declara, baixo a súa responsabilidade, terse realizado o oportuno recoñecemento médico que lle permite estar en condicións óptimas para realizar a proba, eximindo á organización da devandita responsabilidade.

A organización dispón dun Seguro de Accidentes e Responsabilidade Civil que cubrirá as incidencias inherentes ás probas do circuío.

LOPD

Todos os corredores/as ó realizar a inscrición aceptan a publicación do seu nome e imaxe nas clasificacións, medios de comunicación e/ou internet.

NOTA: Esta proba pertence ao Calendario Oficial da Federación Galega de Atletismo e mediante a súa inscrición o corredor consente expresamente que os seus datos básicos sexan cedidos a esta entidade para a tramitación, ante a compañía de seguros, dos seguros obrigatorios de accidentes e Responsabilidade Civil así como a xestión da licenza de día e ranking popular de probas de ruta. En todo caso e tal como establece a lei de Protección de Datos, o interesado pode exercer no futuro os seus dereitos de acceso, rectificación, cancelación e oposición mediante escrito ou correo electrónico á Federación Galega de Praza Agustín Díaz S/N - 15008 A Coruña.